

պահ և յԱստուածախնամ քաղաքդ հաշտարխան, և ի Ղզլար, և ՚ի բոլոր երկիրդ Գիլանու:

«Յորոց բազմաց վանօրէից մինէ՛ հրաշագարդ և գերահուշակ ուխտն սուրբ, որ յանուն սրբոյն Ստեփաննոսի նախավկային շնորհօքն Քրիստոսի կառուցեալ կայ ՚ի գեղջն Սաղխանու, որէ մերձ տիրախնամ քաղաքին Չամախու: Որ յառաջագոյն էր ըստ ամի ճոխ և փարթամ, եկեղեցական և արտաքսական ընչիւք և կահիւք իսկ ի յանցեալ ժամանակսն՝ (յուեալ էք թէ՛ որքան) խոռովութիւնք և հինահարութիւնք եղեն ՚ի յերկիրն Չամախու, ոչ սակաւ, յորմէ (թէ՛ որքան) վշտացաւ և աւերեցաւ՝ երկիրն այն (ահա գիտէք ամենեքեան): Եւ յայքան տաժանելի հարուածոց, սրբոյ ուխտին այնմիկ ևս մեծամեծ վնասք և հարուածք հասեալք են, յորմէ իսպառ ազքատացեալ և չքաւորացեալ է սուրբ ուխտն այն: Իսկ զյսղճալի առաջնորդն սուրբ ուխտին Իսահակ ծերունագարդ վարդապետն, յետ բազմիցս չարչարելոյն և խոշտանկելոյն կարծրագոյն տանջանօք, ապա՛ գտուգանս յորովս արկեալ են ի վերայ նորա: Որոյ սակա՛ անկեալ է սուրբ վանքն այն ՚ի ներքոյ բազում պարտուց: Իսկ ապա՛ ո՛չ ունելով յուստէքէ ճար և օգնութիւն ինչ, վասնորոյ՝ գիմեալ ի սուրբ Աթոռս և առ մեզ, ծանոյց մեզ զցաւս և զաղետս իւր, և խընդրեաց ի մէնջ զօրհնութեան նամակս զայս, սակս օգնութեան և ազատութեան իւրոյ ի պարտուց անտի: Վասնորոյ՝ և մեր շքնորհեցաք նմա զայս օրհնութեան նամակս մեր ՚ի վերայ վերոյ յատկացեալ օրհնեալ երկրացդ, զի կամ ինքն եկեսցէ առ ձեզ, և կամ զայլ որ առարեսցէ փոխանակ: ՌՄԺ: Թուին (1768.):

